

讀  
易  
雜  
記

讀易雜記卷二

乾坤毀無以見易蓋聖人立象以盡意設卦以盡情  
繫辭以盡言變化鼓舞以盡神皆所以明乾坤也何  
也六十四卦陽爻皆乾陰爻皆坤乾坤非易之總乎  
乾坤列而易立其中乾坤毀而易不可見所以聖人  
不特不立象設卦係辭以盡其形上形下變通之道  
耳然則乾坤不明欲以學易也難矣哉

乾坤以易簡而定位於上下聖人以易簡而成位乎  
其中吾人欲參三才而兩之舍乾坤之易簡何以為  
學也

豫作樂崇德是德也即人心之大和上帝祖考之所同也是故曰樂以宣其和而薦之郊廟祀天于圜丘以祖配之尊：也祀帝於明堂以親配之親：也禮於此乎行樂於此乎奏禮樂豈二道哉

觀反對卦蹇解後損益則兌巽與震艮合共始則兌巽與乾合萃升則兌巽與坤合困井則兌巽與坎合革鼎則兌巽與離合夫巽兌皆陰也一連十卦皆兌巽用事下經多陰卦用事也不然信歟

元亨利貞四字分之分仁義禮知四德合之只是大通而利於正也其實總是贊乾坤德實有是德者不

待分之而森然條理之不清不待合之而渾然融徹之無間得意忘言何事區：於名義之疏釋也

訟五乾剛中正二應五四比五故皆云不克訟况二四皆剛居柔位非克訟者

困剛揜也二五皆剝皆為陰所揜二用享祀五用祭祀何也陽剛中正皆可通於神明雖困於陰而用是可以祀祭之即所謂困而失其所亨是也

晉衆明出夷象明入得其象而自昭用晦不待釋矣升上六利不患之貞皆善辭則冥升亦當以潛修默進其德者纔辭意上下相貫若云昏冥不已又何利

於不息之貞哉

中孚九二言鶴鳴子和物且中孚矣我南好爵吾與  
爾反靡之而不相孚焉可以人而不如鳥乎反言以  
詰之正見其同德相孚也所以象曰其子和之中心  
願也釋此一句而下句文義不待解矣況二五中隔  
二陰亦有靡之之象何必改靡作縻

中孚二爻至誠足以動物申中以達外也上爻未免  
虛譽徒隆實德則病矣觀之鳴鶴翰音之象亦自明  
白

觀大畜多識前言往行以畜其德則中庸尊德性道

問學不可以存心致知分屬也明矣

巽乾為小畜陰起於巽陰木小也艮乾為大畜陽終於艮陽木大也

渙之五上俱以坎水在下有汗血之象渙之者巽風也故五為汗渙上為渙血

師一陽在二自南而向北有征伐之象比一陽在五自北而面南有朝會之象以兩卦並觀其象昭然咸曰貞吉貞即係辭一致同歸處也但上下三陽相比有朋從之象憧憧往來則不貞矣

一陽生七日來復也日出於東故復卦于震取象乎

日四陰盛則八月有凶也月出於西故臨卦於兌取象乎月

恒卦六爻惟九二以剛居柔固可久中六五雖以柔居剛而位則尊矣豈夫子制義之道哉至於巽在初則愈浚而深震在上則愈振而動此恒之所以無定在也

水火為井坎陽在五井水欲其溢也以二視初陰中虛有漏象火木為鼎離陰在五鼎欲其虛也自四視初陰耦有折足之象

萃以兌坤成卦秋成則萬物畢聚故可以假有廟用

大牲

人心戒惧斯言笑皆中天則故象曰後有則也

漸以巽艮成體巽東北艮東南或以三上二爻分南北二陰為鴻飛雲衢之象亦通

兌正秋也八月為兌五音律中夷則曰商故四爻四商兌九月為剝故五爻曰孚剝是兌卦又皆以時取象

大過初上二爻俱陰柔四應初而棟隆者得白茅之藉也三應上而棟橈者由減頂之涉也所以卦詞棟橈惟九三一爻當之

習坎維心亨心本善也習於善則善習于不善則不



善矣何坎卦一陽之陷由重習也大象亦曰常德行  
習教事其慎習也如此故伊尹曰習與性成孔子曰  
性相近也習相遠也玩卦久象象俱諄：以習為言  
豈無意哉

離象柔麗乎中正故亨所以六二惟六二黃離元吉  
執謂卦久象象各一義哉

損卦損剛益柔有時益卦凡益之道與時偕行二卦  
皆以時為重何歟下兌上艮為損萬物說言乎兌成  
言乎艮秋冬收藏之時也下震上巽為益萬物出乎  
震齊乎巽春夏生長之時也損益以時天地且然况

人乎哉

吾人之能知即乾坤之易簡何以見其易知而簡能乎即孟子所謂孩提知愛知敬能愛能敬即中庸所謂愚夫愚婦與知與能是也率是知能之良而愛之敬之則易知易從有親有功可久可大者咸倫於德性中矣何必感人及物而後見其有親有功可久可大耶

久大之德業本備於易簡之知能乾坤非大也吾人非小也參三才而一之者此也何易簡如之

始陰始於巽復陽始於震始陰窮則復於下而為震

矣樂之角音屬震故上爻取始角之象

樂音角屬震徵屬離商屬兌羽屬坎故兌之四爻曰  
商兌兌為正秋此爻正當商位始一陰在下震一陽  
在下兌始上爻九陽竊則必變而一陽在下為震矣  
故上曰始角即此可見八卦八音本一致也作樂者  
孰能外此以為律哉

順乎天而應乎人兌象發明兌說之義革卦亦兌在  
上乃云湯武革命順乎天而應乎人可見天人皆悅  
此革之所以當也

乾九二君德即乾以君之之義在國為邦君在家為

嚴君在身為天君惟九二乾德中正具此君德也  
蒙以二陽成卦二得中則能包上過剛則能擊況所  
包所擊之蒙雖指各爻之陰然蒙在二尚可包至上  
則蒙之極矣不容不擊亦當會通其義

蹇五曰大蹇上曰利見大人陽本大也在五則陽陷  
陰中在上則利五陽以濟蹇也

家人九三以剛居剛而過剛不中有家<sub>人</sub>嗃<sub>之</sub>象  
密比五四而柔之間雖嚴於家人而狎於妻子又有  
婦人<sub>嘻</sub>之象若玩其詞而不觀其象則<sub>嘻</sub>嘻<sub>之</sub>  
特聖人設為是詞以為占者之應耳豈易之道哉

旅五射雉一矢亡謂六自三而進居於五射雉也九自五而下居于三一矢亡也終以譽命謂旅本尚柔六五以柔而附麗於上九之陽必有譽命故象曰上逮也離卦亦取上九此可互觀

既濟初吉柔得中指六二也終止則亂其道窮指上六也始以柔而成治終以柔而生亂皆指卦象而言況既濟則人之怠心易生而止之一字聖人做戒之意至矣

筆用黃牛之筆在初則尚不可筆乃取筆固堅筆之義故象曰不可與有爲也夫以變筆之卦久而以堅

革不變為言易其可以膠固論之哉

噬嗑四利艱貞吉象曰未光也五曰貞厲無咎象曰  
得當也後儒乃云周公取四孔子取五何其謬哉即  
文象觀之四噬乾肺得金矢五噬乾肉得黃金此四  
之所以艱而未光五雖厲而得當也孰謂二聖有二  
義哉

剝豕君子尚消息盈虛天行也復剝七日来復天行  
也剝復皆天也然順而止之動以順行得非人之所  
以奉天道乎

五音二十八宿角屬東方震位晉上久取象晉其角

謂晉之極而西沈者必將升於東也始上爻取象始其角謂始之極而上窮者必將復於震也角象同而義則各有所指

噬嗑噬賁豐旅中孚易五卦大象皆指刑獄言者何蓋獄未明利用威獄既明利用止故震以威之艮以止之而前四卦則皆取乎離之明也惟中孚議獄緩死必如巽風光澤斯可以孚民心而活民命聖人教人盡心於刑獄也至矣

恒六爻皆應道之常也然立不易方是以不易為恒恒久不已又以不已為恒恒豈易言哉通於恒之義

而不已不易斯利有攸往久於其道矣

六十四卦皆象也利彖獨言觀象者豈觀而體之之謂哉蓋陰之變陽在觀卦已然四陰二陽為觀八月之卦也五陰一陽為剝九月之卦也君子惧陰之變陽其所以順而止者在觀象已得之矣若曰觀諸剝象而後順止既以剝之矣又何順止為哉

帝出乎震至成言乎艮總以帝字冠之觀下文曰萬物出乎震則不當以帝出為文也明矣但既曰帝而又曰神妙萬物何哉帝以主宰言神以流行言一而已矣



七卦皆以方言兌獨云正秋者舉秋而四時可知兌  
不言方而為西方亦可知也況兌云正秋而首云帝  
出乎震則時當首寅而周家未嘗改時改月又何疑  
凡易之情近而不相則凶或害之悔且吝近指兩爻  
相比言也觀卦爻相近而情不相得者必有害則人  
之立已待人可以自省矣

蹇二王臣蹇：由五爻坎陷王已大蹇而王臣蹇：由此故也所以云匪躬之故

龍一也潛見躍飛各以其時鴻一也于磐陵陸必以其漸爻必假象以畫義雖同一卦也同一取象之物

也六爻象義其可以或混耶

觀上下經所由分見六十四卦次序乃造化一定之序非聖人有意以安排之也雖曰卦序本之文王要亦據伏羲之圖以次序之若曰文王有意尚乾尚坤尚艮皆出於人爲知易者不然

易者象也象也者像也有象之象且未之明至於象外之象非知幾其神者安足以語此

盡起於一而一之所由起者其誰知之造化之妙昭然天地間人特弗之悟耳

雲龍風虎水濕火燥乃化機之自然而然者聖作物

觀其機如此九五之大人其即天乎

陽在陰之下故有聲而為雷陽在陰之外故有光而為電所以噬嗑與豐皆取雷靈之象觀之震離卦象與雷震字義皆然

水旺於冬觀冬至一陽未復而天一生水即此可見仲冬水泉動非陽動而何

河圖一六居下水潤下也二七居上火炎上也三八左水旺於東四九右金旺於西五十位中土也造化本是如是豈聖人以己意為之圖哉

周禮縣治象之法於象魏是古人於治教政刑俱有

象以示民也聖人談象於易而後學乃忽之何歟  
乾為馬坤為牛乾為首坤為腹乾為天坤為地人知  
聖人立象以盡意此類是也孰知有形無形之皆象  
乎何也乾健也三畫皆陽非健之象乎坤順也三畫  
皆陰虛中以從陽非順之象乎震一陽起於二陰之  
下故其象動巽一陰伏於二陽之下故其象入坎一  
陽陷於二陽之中故象陷離一陰附於二陽之中故  
象麗艮一陽安於二陰之上故象止兌一陰見於二  
陽之上故象說惟信得健順動入陷麗止說皆是實  
象則聖人立象盡意之教其庶幾矣

坤四括囊蓋坤陰虛受有囊之象六四以陰居陰又  
為重陰之始故為括囊之象括則囊之所受者慎之  
而不出矣所以象曰慎不害也天地閉賢人隱即括  
囊之意文言亦曰蓋言謹也易知微於重陰如此  
密雲不雨自我西郊小畜卦辭與小過六爻五辭同  
在小畜象曰密雲不雨尚往也在小過象曰密雲不  
雨已上也可見陰小也以小而畜大以小而過乎大  
皆為不雨之象故尚往已上皆自陰言惟其往而上  
也陰不從陽安能得雨

坤五黃裳元吉蓋坤德本下六五柔居尊位而能下

人江海所以能為百谷王者以其下也黃正色裳下  
服也下而得正非君德而何

易不可以有無言也雖曰易本無象聖人即有象者  
以明之惟以有象而會其無象之意斯善於易也

明夷六二渙初六皆取用極馬壯之象蓋陰柔固所  
當極而明夷之九三渙之九二陽剛皆足以極救陰  
柔況當明夷渙散之時而柔極於剛順之道也故六  
二之吉順以則也初六之吉順也其象義亦同

姤初羸豕孚蹢躅即坤初履霜堅冰至之謂也履霜  
必至於堅冰羸豕必至於蹢躅初陰其可以不謹乎

水火一也而陰陽分焉山下出泉水之陰也天與水  
違行非水之陽乎天與火同人陽火也澤中有火則  
陰火矣以水火分陰陽而不知水火之各有陰陽可  
乎

各卦爻亦有取於反對之義者如龍戰於野指對卦  
之乾也如至於八月有凶指反卦之觀也如不遠復  
即反卦剝之上爻是也如係於金柅即反卦夬之上  
爻是也此類頗多不可不察

履以六三成卦眇視跛履：虎噬人武人為大君此  
陰燥妄動之象也素履幽人皆處六三之下故獨行  
願不自亂皆素位不願外之意

乾體本實而離為之用坤體本虛而坎為之用所以  
坎離得陰陽中也震動艮止即坎中一陽之上下巽  
入兌說即離中一陰之上下可見天地間只是一陰  
一陽乾坤位而其體立坎離縱而其用行

坎離之水火陽在陰中陰在陽中也既未之水火陰  
在陽上陽在陰上也坎離者水火之所以立其體既  
未者水火之所以致其用體用可以一定拘之哉



觀水火既濟見乾坤之體為不易觀水火未濟見乾  
坤之用為不窮妙矣哉一陰一陽之道哉

卦畫於伏羲非伏羲故為之象也萬象本如是而伏  
羲畫之耳文周故為之辭也卦爻本如是而文周贊  
之耳孔子十翼非孔子故為之翼也卦爻象辭本如  
是而孔子翼之耳真知天地之化育者始信四聖一  
毫增減不得

大明終始終知有畫之後易道屢遷原始要終終知  
無畫之前原自有易

圖書易卦皆起於下之一一者何也造化之真精也

吾人之獨也萬事萬物皆從此出非慎獨知君子其孰知之

天一生水氣初動也至地六成之則有質矣人之慾念一萌氣已動矣至於成精則不可返也可不慎哉是故玩圖書者須反諸身

一者生數之始六者成數之始一六圖書之始有一即有二三四至五而生數全然有一與五即有六而為成數之始矣可見氣為生之原質乃成之象也觀冬夏二至則知子午為天地之中觀春秋二分則知卯酉為日月之中此易之所以貴中道歟

水生為天一而地二之火即水中之熱氣所由生也  
知此者始可語造化之生機

金生水木生火人祇見有生之後木為火之母水為  
金之子也抑熟知有生之初木金特水火之餘哉

咸六爻取象於身惟四主乎思苟朋從爾思且不足  
以感人况拇腓股脛輔頰舌哉心也貞吉悔亡未感  
害也故曰無思本也艮六爻俱取身象惟上九敦艮  
吉意與咸四同

乾坤統六十四卦而渾淪於太極之中者造化之全  
體也垢復各分三十二卦而闔闔於太極之中者造

化之生機也窺其全體握其生機斯過化存神上下  
與天地同流

經綸而不立本務外之學也經綸立本而不知化育  
執一之學也假年學易其庶幾乎

巽兌陰卦也巽成卦在初兌成卦在三而初三爻辭  
俱未善何哉巽以陰入陽兌以陰說陽且二爻俱陰  
居陽位故初不如四三不如上而其所取者反在二  
五之陽爻

洗心退藏於密非淪於無也吉凶與民同志非滯於  
有也聖學體用一原自不相離

乾為老陽其數九坤為老陰其數六乾用九坤用六  
用九用六變化無窮

一三五皆天生數一三五成九純陽也故為老陽二  
四皆地生數二四成六純陰也故為老陰用九用六  
易也然天地生數實本之河圖參天為九兩地為六  
故曰參天兩地而倚數

洛書縱橫數皆十五九六參兩天地亦合為十五之  
數是為參五惟參伍以變則老陽變為少陰其數八  
老陰變為少陽其數七二少錯綜所變七八數合  
十五亦為參五故參伍以變錯綜其數

河圖雖曰參兩然其中五也一合四為五三合二為  
伍非參伍歟五合一九二八三七四六皆為十五非  
參五以變歟洛書雖曰參伍然其中五也合一三七九  
數皆為奇非參天歟二四六八數皆為偶非兩地歟  
所以河洛亦須合看始知其變合體用之妙

河出圖洛出書此乃天地兩篇真文章也特假靈物  
以洩其秘而聖人則之耳欲窺天地之道使不明圖  
書之旨一切皆強作耳又可以人為意見強合之哉

河圖右順而右轉以相生洛書逆而左轉以相克順則  
化機暢而萬物各遂其性逆則化機斂而萬物各歸

其根此河洛之圖象雖二而生尅順逆乃其造化之必然者其理本至一也有河圖必有洛書得非一時並出者乎

著之德圓而神、以知來卦之德方以知知以藏往方圓往來豈二致哉非著則卦何所畫非卦則著何所為信乎易不可以有無言也

河圖體圓而用方洛書體方而用圓先天對待而未嘗不相錯後天流行而未嘗不反對包括之者古太極圖也合而觀之方圓動靜陰陽剛柔生尅順逆消息盈虛具在其中而聖人相傳心法精一執中博約

一貫經綸立本而知化窮理盡性以致命俱從此出也

夫道一而已矣非太極之外有先天先天之外有後天非太極先天後天之外別有河圖洛書也真知至一之妙者則知諸圖皆天地自然之化育非一圖所能盡者也彼必欲牽扯強合適以二之矣知此始可與語易

乾九二大人位乎下之中也而曰君德九五大人位乎上之中也而曰天德合而觀之學聚問辨寬居仁行其學知而利行乎先天弗違後天奉時其生知而



安行乎君德至矣德而同天神矣哉

初雖潛也樂行憂違潛而不失其時也上雖亢也知  
進知退亢而不失其正也

陰陽剛柔分而後爻象著爻象動乎內吉凶見乎外  
因爻象而知吉凶也爻象未成何吉凶

太極先天後天皆象也而卦則有以尽其象大衍河  
圖洛書皆數也而著則有以尽其數天地萬物孰能  
離象數哉玩味諸圖天地萬物備是矣

河圖之數五十有五洛書之數四十有五合之其數  
百而天地萬物生變化備是矣故聖人因著數百筮

而為之大衍正所以教人窮盡天地萬物變化之道也

聖人觀玩河洛而大衍先天後天自與之默合豈一教法而為之哉

節初九不出戶庭象曰知通塞也上係曰亂之初生也則言語以為階是以君子貴慎密而不出也即此觀之言行皆當節之於初也彼執一說者安足以與易哉

後天八卦方圖即圓圖而方畫之便見震兌坎離乾坤艮巽其久之陰陽奇耦一一相對且其中有天地

雷風水火山澤反對之象而否泰損益咸恒既濟未濟之義亦於此可觀焉易之反對本諸此

古太極圖兩儀四象八卦昭然靜極復動坤生乎震動極復靜乾生乎巽六十四卦皆從此出也河圖洛書先天後天亦皆其中變化之妙

坎陽之中也乾坤後屯蒙需訟師比六卦皆坎與震艮乾坤交雖曰勞乎坎而坎之中陽用事所以為上古純麗之世也至小畜履則巽兌偏陰與乾交而文理生焉即此可以觀世道矣

上經首乾終坎否泰則乾在坤之上下剝復亦震艮

在坤之上下皆陽為之主也下經首咸恒則兌巽偏陰居其始矣其中夬姤亦巽兌在乾之上下豐旅則離在震艮之上下而既未濟終焉得非陰用事乎觀上下經陰陽之義亦自了然

八卦陰陽各半而陰陽之中止坎離二卦偏陰偏陽則震巽艮兌四卦矣何怪乎中行難得而世多偏駁之氣乎

河圖順轉以達生機洛書逆轉以歸化元細玩二圖化生無窮活潑、地一比擬之而化機反死矣

乾坤交而為泰天反在於地之下坎離交而為既濟

火反在於水之下人孰不欲泰而欲濟乎好上人者  
即此可以自省

觀後天方位乾統三男於東北萬物由之以生也坤  
統三女於西南萬物由之以成也陰陽化機豈語言  
所能盡

日月往來一寒一暑一歲十二月一日十二時莫不  
然也

純陰純陽為乾坤陽在陰中陰在陽中為坎離此日  
月所以運行天地中而寒暑晝夜皆日月之往來為  
之也陰陽生生孰得而測之乎

即古太極圖以觀先天八卦順則三陰三陽皆自外之內逆則三陰三陽皆自內之外聖人亦不能於此增減得一毫

乾坤果有終始乎乾知始坤代終皆自萬物言也乾健坤順至德也乾亢有悔坤先則迷悞以終始豈欺我哉

天地解而雷雨作雷雨作而百果草木皆中折解之時大矣哉可見天地之解必以時也否則雷雨作於秋冬閉塞之時可以謂之解乎惟以時而解此所以得衆得中往有功也

角強不息德可久也厚德載物業可大也用九用六  
何易簡如之

乾知大始坤以易知此知之所自来也彼以靈以明  
明分別是非為知之者視乾之知始為何如雖然何如  
萬物資始而無一物混亂錯雜又未嘗分別不明也  
特守靈明覺照為知體者不足以尽知始之乾耳孟  
子言良知而心曰不慮意蓋如此

漸初干二磐三陸在下之鴻也四木五陸上陸在上  
之鴻也六爻亦有漸進之象

甲折有始之義也庚革有變之義也已有信之義也

各因卦爻取象

神而明之乾知大始也然而成之坤作成物也彼明以察識成以強作豈易之教哉

節一也甘則吉苦則凶五中而上大過也

旅二得童僕柔而中也三失童僕剛而過也四得資斧剛居柔也五終譽命柔居剛也初雖柔居剛而過於卑上雖剛居柔而過於亢是可以觀旅之道矣

同人本以二爻成卦彖曰柔得位得中而應乎乾且二五剛柔俱中正是以大同指一卦言也二爻於宗條於初三之同體故各五爻號咷為四三所隔故必



大師克之而後遇皆指本爻言也或卦善而爻未必善或卦未善而在一爻則善皆類此

明夷六四與上同體故有入之象醫家切脉心居腹之左故象入左腹獲明夷之心惟知其心意知明夷之極也不得不出門而去之矣初之不食而行異姓之卿伯夷太公是也四出門庭而去貴戚之卿微子是也五則為箕子之狎狂也故彖亦曰內難

噬嗑爻中所亡膚腊肉乾腓乾肉滅鼻遇毒皆順中有物之象

純而不厭易雜不厭難恒則一而固矣聖人思見有

恒豈徒在於質之美哉

大壯九三過於剛也君子或為乎非禮之礼非義之義故用剛小人則不顧礼義而為之故用壯

陽一也在乎五陰之下則為復在五陰之上則剝矣陰一也在乎五陰之下則為姤在五陽之上則夬矣人孰不喜姤復惧夬剝也只此可以自反

大明終始四句乃承上起下之詞質始流行其始也變化各正其終也必大明其終始而時成時乘斯可以御矣

乾元用九神妙萬物執一廢百惡足以語聖學

天本上地本下也乾下坤上則為泰坤下乾上則為否火本上水本下也離下坎上則既濟坎下離上則未濟焉真悟此者可以常濟而常泰矣

知易則睽蹇困否莫非順境否則鳴豫豐屋既濟濡首其自取咎咎者不少

一陰一陽生、不測八字足以該易

精氣為物游魂為變識此則乾坤在我成位乎中

振恒亡何也卦至上爻有終而收之之義爻位俱陰常守不變亡之道也孟子曰金聲而玉振之也玉振終條理也註曰振收也小雅采芣篇曰振旅闐、其

義同若謂振者動之速此爻無此象

闔戶謂之坤闔戶謂之乾一闔一闢之謂變往來不  
窮之謂通見乃謂之象形乃謂之鬼制而用之謂之  
法利用出入民咸用之謂之神即一戶而乾坤闔闢  
變通象鬼法神具見之矣與子思子齋飛魚躍察於  
上下同

一陰一陽乾坤是也根陰根陰陽始復是也陰陽互  
藏坎離是也故君子允執厥中

乾卦中統天御天先天後天惟善體乾者能自得之  
六十四卦皆乾坤之變也坤即乾之變也乾六爻即

初畫之變也故曰周流六虛惟變所適

盈天地間只是二而已活潑、地一毫執著不得

易曰洗心退藏於密詩曰夙夜基命宥密是密也其生之原乎

有巽木而離火生焉有耳目而聰明出焉觀木火亦有耳目聰明之象

陽本上也而震雷在上陰本下也而巽風在下此所以爲恒而大象取不易之義震雷陽也而動乎下巽風陰也而入乎上此所以相益而大象取迁改之義否則恒益何別哉

聰明出地上晉明入地中明夷彼謂日月之行不由  
地下者盡於易之大象求之乎

損下益上損是由損三以益乎上也故三曰一人行  
則得其友上曰得臣無家損上益下曰益是由損四  
以益乎初也故四曰利用為依遷國初曰利用為大  
作觀象玩辭聖人豈有意為之象有意為之辭哉  
否之匪人聖人以致否歸咎小人究亂本也

陽之動本之下也故震六爻以初為主而久辭莫善  
於初陽之止在乎上也故艮六爻以上為主而久辭  
莫善於善上反對象義其何忽諸

乾坤成列而易行乎其中故乾坤中自是生生不息  
非乾坤則不能生生非生、亦何以為乾坤哉形上  
形下在人觀其會通焉耳

坤非乾則無所本乾非坤則無所寄其象則二其本  
則一觀男女合而子生則有象者可知矣吾身有無  
象之乾坤焉一乎二乎宜默識之

坎水離火盈天地間無一物無之無一息無之中和  
未育將誨之誰也

人生所需惟飲食宴樂為最切故需大象與五爻之  
義同皆實象實事也君曰安日用之常以待時之自

至則又是推出一層去矣

離在天為大有離出地為晉其在人也可以氣習物誘蔽之哉

天地定位一章固皆自先天之體言然天地定上下之位一陰一陽其體不可易矣山澤雷風水火其相通相薄不相射則二氣交相感也不可以觀其用乎

凡物之初生氣也至於成則其形質一定不可易矣水生於天一成於地六火生於地二成於天七惟知水火之初生者斯可以知陰陽變化之妙

水本陰中之陽火本陽中之陰信非截然不相關矣



然既有形質之後水之始泛終涸孰涸之也火之始  
燃終滅孰滅之也水火相須真有一息不容間者  
頤卦二陽包四陰有口實之象養之義也大過二陰  
四陽有棟橈之象居之義也聖人序卦故非有意取  
象居與食也觀象玩辭自有適相字者

正位凝命象諸鼎蓋必木火相乘而後鼎鉉為有用  
必文明化成而後天命為不虛象之意味遠矣哉  
豫六五貞疾恒不死其所以疾者柔乘剛也其所以  
疾而不死者五位中也然五柔乘四剛非貞乎五本  
中位非常乎苟不貞不常則難乎其疾而不亡矣一

字一義其味無窮

蠱上九不事王侯蓋五位以下乃王侯也上則出於  
事外矣且艮為山有高尚之象艮為止有不事之象  
山下有風蠱而此爻在山之上矣故不以蠱象之  
乾坤震巽坎離艮兌名雖八其實則一也自一而八  
而六十四以至盈天地亘古今何可勝窮哉

偶見風雷震動流盪於大空之中因思君子遷善改  
過之勇惟其心之虛也虛則聞一善言見一善行若  
決河江其孰禦之

天下何思何慮聖人非教人不思不慮也思慮百端

其致則一往來屈伸其利則一於此了澈易斯過半  
笑

易雖詳言天地之造化其實只是欲人神明以默成  
其德行

需有孚光亨貞吉必誠信以相孚必光明而通達尤  
必得正乃吉此相需之道也非到中其孰能之

坤二直自上下言方自西四旁言大合直方言象曰  
六二之動也玩味動字則直方大更覺親切

知至、之可與幾也顏子有不善未嘗不知知之未  
嘗復行故夫子庶其庶幾

幾者動之微義者行之著事有終始知則一也始焉  
知幾其神終焉義之與比又何上下之不宜哉  
益自上下下其道大光是初自四變乾下交於坤而  
為震也故其道大光而損上益下之象有如此  
觀日月麗乎天百穀草木麗乎土則神明之麗乎人  
者可知也已

乾為圓為金為玉坤為布為釜皆引伸以推廣易象  
之類也若一一據此以明易則鑿矣

小畜一卦不雨在上久既雨者何卦則一陰不足以  
畜五陰陽久至上乃畜之極也且以陰載陽亦有陰陽

和而雨澤降之意

中孚二陰在內象中孚而孚以心也小過二陽在內象中實而過以行也觀畫自見

雲上於天需時可待也飲食宴樂亦只是安常待時之意

小畜履相反之卦也小畜在一卦曰密雲不雨在上爻曰既雨既處履在一卦曰履虎尾不咥人在六三曰履虎尾咥人此可執一論之卦故曰易之為道也屢遷

復見天地之心指一陽在下而言也正見極陰之時

而天地生物之心未嘗息者於此乎見之耳否則謂他卦皆非天地之心可乎

既曰書不盡言又曰係辭以盡其言既曰言不尽意又曰立象以盡其意盡乎不尽乎聖人示人之意深矣日月相推而明生寒暑相推而歲成陰陽剛柔相摩相盪而萬物為之變化是天地化機一息未嘗停也吾人語默動靜孰消息之哉

細玩易象造化之不可掩如此惟神明默成方能造化自家否則物而不化天地且無如之何也

或問大畜曰人有知處從而畜之而吾之明益通人

有能處從而畜之而吾之行益壯隨其所聞所見無所不畜是為大畜

孔子自謂五十學易可無大過又謂五十而知天命謂不怨不尤下學上達知我其天合而觀之易也天命也天也一也可以學而不學易乎

神無方易無體而有方體非神易也明矣神明易學者盡反而求諸身

家人五上二爻王假有家交相愛也戚如之吉反身之謂也家人至於感格而交相孚愛非反身不能也戚愛兼至内外有孚正家人之道尽之矣

家人睽以巽離兌三女成卦家人利女貞而睽亦以  
二女同居其志不同行信乎家人睽起於婦人  
學聚問辨寬居仁行此所以為君德也所以天下利  
見也否則清任和只由不聚不辨且不免為聖之偏  
矣君德固如是乎故聖人憺於博學之訓

乾以易知坤以簡能易則易知簡則易從易以知險  
簡以知阻可見險阻總歸之易簡矣知險知阻而知  
能總歸之知也易知易從而易簡總歸之易也玩其  
辭聖人之旨可默識矣

明夷卦文王內文明而外柔順箕子利艱貞晦其明



象曰明入地中明夷君子以用晦而明然則善用明者豈徒在於昭、赫、乎哉

麗澤兌兩澤之相麗也君子以朋友講習討論惟其相麗故相潤澤而悅也否則兩澤不相麗離群索居何相悅之有

頤卦六爻獨以由頤歸之上則上爻為頤之主也明矣然則初爻含濁靈龜觀我朵頤可獨歸之四乎頤貴止不貴動震初動於艮止之下所謂爾我觀含可以意會其始設為二陽爻相謂之詞與

陽大陰小陽貴陰賤頤上爻象曰大有慶也初爻象

曰亦不足貴也初雖大而亦不足貴二爻詞意亦相  
關

頤四爻象曰上施光也五爻象曰順以從上也六爻  
之由上也如此

咸止而說男下女是以亨利貞取女吉歸妹說以動  
所歸妹也故征凶無攸利是均為人道之始終天地  
之大義也而男女剛柔上下其可以或悖哉

去惡莫先自治故夬曰告自邑不利即戎

大人否亨不亂群也不困小人之包承而變節以相  
從也故雖否實亨無入而不自得

否六二以陰居陰在下卦之中有能包能承之象陰  
小陽大上乾下坤亦有不亂群之象故曰小人吉大  
人否亨

一歲十二月一日十二時從子至巳從午至亥陰陽  
各六故易六畫而成卦

上律天時正是仲尼學易處今人全不知律安得不  
犯大過

以象言之天包地外地在天中以氣言之陰陽之氣  
俱自下而上由地而升雖謂天由地中行亦可觀耦  
畫虛中亦自可見

卦未畫易不是先卦已畫易不是後却自是生、不息也

聰明記憶屬之魄呼吸變化屬之魂神以知來魂也智以藏往魄也此却是人身本有之易

觀否泰剝復共始豐旅一闕一闕無時不然

乾坤如此其大姤復如此其微旋乾轉坤自復姤之幾始

誠齋易傳於每卦每爻必舉古人一事以實之是易也可以不著不察偶然相合者當之乎可以竊弄機智者混之乎況易雖無物不有而古人行事多似是

實非何也造化生機或於一卦一爻若有未善其實  
變化不測者已寓其中非觀變陰陽和順道德安足  
以語此

龍德正中不出乎庸言之信庸行之謹學易者惡可  
別求神化而忽於日用之常哉

性道一也仁者見之謂之仁知者見之謂之知與百  
姓日用不知者等耳况非仁知之見乎故曰神無方  
而易無體

屯二四上皆取乘馬班如之象皆是以乘輿則然二  
中而四應猶之可也上則屯之極矣况五則尤不宜

乘故泣血漣如

九五飛龍在天真是感應氣求水濕火燥雲龍風虎  
聖作物覩親上親下各從其類曾有一毫勉強於其  
間哉是大人也天地合德日月合明四時合序鬼神  
合吉凶先天弗違後天奉時天且不違况於人乎况  
于鬼神乎噫天地日月四時鬼神無不混合况天下  
有不利見者哉總只是形容聖人天道自然而然之  
意故又曰乃位乎天德

玩艮象者若以止所為知止以敵應為順應盡併敦  
艮之爻而玩其意乎

則柔相推而生變化天地之化育一語道盡

艮四艮其身無咎上敦艮吉渙三渙其躬無悔四渙其群元吉合而觀之可以悟大學之道矣

戰乎乾、西北之卦也言陰陽相薄也夫乾陽也戰以陰陽相薄為言故坤上龍戰於野其血玄黃坤上純陰而戰亦在乎龍萬物資始其在茲乎玄黃者天地之雜正是萬物資始之意

鼎耳革巽上離三四乃变革之地故取革之象一陽分而為二故曰失其義也

革四改命吉亦離改為兌之象三四五俱曰有孚皆

根卦辭也已日乃孚之意

損初損下益上非已之事而何惟其視損下益上為已事則其往也不容不速特在初爻宜酌損之耳若曰已止也止所為之事而速往以益上此爻果有止事之象乎

不家食吉養賢也養賢即大畜之象可見畜亦不專取止義

一卦六爻須觀其會通方得聖人設象命辭之意若拘定承龍比應則有泥而不通者

復上反君道者何初陽君道也上爻獨遠於初不比



不應而陰居陰位其迷於所復也明矣且復極則反而為陰不亦反君道乎

親係辭以言行發鳴鶴子和之義只是誠中形外雖謂由內卦而孚之外卦亦可子和亦何必拘定九五一爻

藉用白茅係辭只以一慎字發之故處大過之初亦可無咎

陰陽氣也道即理也一陰一陽之謂道氣與理一也下文繼成亦自氣言善性亦自理言大約如此理會則可必欲分之合之則非

吉古悔吝者生乎動者也人處天地間安能不動然天下之動貞夫一而惟貞則一吉之道也

惟深也故能通天下之志惟幾也故能成天下之務惟神也故能不疾而速不行而至深也幾也神也豈犁然為三乎極深而研幾故知幾其神

易為聖人之道四非天下至精至變至神孰能與於斯也然精豈專於一手參伍錯綜本至變也變豈有所思為者乎寂然不動感而遂通本至神也是神也非極深研幾不能也何必以精變神分貼四者

惟極深研幾為能神則其占也果專主卜筮神明為

言哉是可以默會矣

神無方易無體也知至可與幾庶乎知幾其神矣知終可與存義庶乎精義入神矣

大過初六藉用白茅柔在下也九四棟隆之吉不撓乎下也二爻相應觀象玩辭何待註釋

益初九利用為大作震體陽位故也必元吉然後無咎下不厚事故也初之受益者如此何必論上之任用與已之報効何如嘗觀聖人下註脚言簡意盡外此生意便成蛇足

讀易間卷便使人氣歛神清儼然神明對越景象帝

一歸妹之象二泰曰中以行順也歸妹曰其位在中以貴行也以六居五皆曰中以柔中下應則中皆曰行高而能下貴而不驕故皆曰吉易中婦德之盛無以踰此

豫則應而志行順以動豫則在四而五陰應之則其志行矣且震上坤下順以動也非有所強也是順動乃豫之所以為豫也故下文天地聖人只自順動言之入何必取他辭以釋豫義

泰四謙五皆取不富以其隣之象夫曰不富曰隣皆指坤也噫惟不富以其隣以泰此所以謙乎則

凡富而不以隣者得非泰謙之反乎

惟君子為能通天下之志以其正也夫同人者通天下之志者也而一本之於正焉苟有一毫邪僻雜乎其中則與人之志不相通矣何有于大同哉

窮理尽性以至於命蓋惟天之命於穆不已命言其原也天命之謂性純亦不已性言其體也性即天理敦化川流理言其脉絡也窮則析之精尽則守之一至則精一無以加而還其原矣理性命一也

天地設位易行其中又曰待其人而後行何也噫非人則易幾乎息矣

上係七爻下係十一爻正孔子教人觀玩爻象當引  
伸觸類不可滯於一也何也象至賾而又至動擬議  
變化豈拘牽之見所可通

刑法一正則人知守法畏刑不敢輕犯故發蒙利用  
刑人蓋用之以脫人之桎梏非用刑以桎梏人也此  
開發初蒙之道莫要于正法故曰刑以弼教

後人謂易至精至微易言乾坤至易至簡蓋至易簡  
者至精微也不求之易簡而求之精微豈易之道哉  
童蒙求我匪我求童蒙初筮告再三瀆則不告是  
筮即蒙之求我也告即我之應蒙也筮之蒙者果專

云

自占諸神道為言哉遠觀者可以明卜筮之義矣  
有疑而筮諸神明者初念極誠是以告之至再三則  
不信初筮之告矣不信初筮之告是不信神明而褻  
瀆之矣故瀆則不告矣告則瀆蒙我亦蒙也觀於是  
不可以知師道乎

井以養民為大以上出為功初井泥不食三井渫不  
食五井冽寒泉食其食與不食現爻象自見

夬二夬夬象曰終無咎也與上應也五夬夬象曰中  
行無咎以中行也與上近也所謂終也中也皆實象  
也

遯二畜臣妾吉妾指下初二兩爻言九三以陽居陽  
亦有能畜之道但三而止于畜臣妾此所以有偏係  
而疾憊也何能決于遯之大事哉

損彖曰損則益柔有時故初九即宜酌損可見陽剛  
不可過於損也

謙以三爻為主三陽為下卦之終且有止義故取有  
終之象君子即三爻之陽剛也故係辭曰詒以其功  
下人者也於象猶覺親切

頤二五相應經也二拂五而求養于初五拂二而求  
養于上其拂經同而二征凶五居貞吉者下卦動體



上卦止體故也

大壯利貞彖曰大者壯也剛以動故壯即卦體而大壯之體明矣又曰大壯利貞大者正也觀之爻象二四亦可謂之正乎且二四陽居陰位本皆不出正皆曰貞吉初三位若正矣曰壯趾征吉曰用壯用固而於五之喪羊者則曰無悔是又以剛柔相濟為正而惧初三之過於剛矣正大之義豈象位之可拘哉乾知始坤作成即乾坤彖曰大哉乾元萬物資始至哉坤元萬物資生之謂也然乾豈一於知始坤豈一於作成而已哉乾道變化各正性命保合大和乃利

貞西南得朋乃與利用東北喪朋乃終有慶必觀其會通斯可以忘言得意

巽與節皆美德也二上爻皆不免為貞凶貞之難也如是哉

乾君坤藏雖自萬物言然陰者陽之宅也陽者陰之主也陰陽之自藏自君亦然

乾利貞在變化為坤、利貞在柔順從乾否則乾不變化坤不柔順則陰陽健順判然不相合矣豈正道哉

河圖水木土皆陽內陰外火金皆陰內陽外現五行

之形氣亦可見

精氣為物坤之道也游魂為變乾之道也魂升魄降人死則然其生如之何

鳴謙二與上同而二居中故曰中心得上以柔居柔外雖謙而不由乎中故曰中未得皆實象也

中孚二鳴鶴由中而孚上翰音不由中孚者也所以二曰中心願上曰何可長象之簡明皆類此

後天方圖坎與離對是以相合而八卦皆為乾矣周易首乾豈徒乾為六十四卦之首而已哉

自太極圖以觀先天太極體也先天用也自先天圖

以觀後天先天體也後天用也體用亦惡可以定所  
拘之耶

其子和之中心頭也觀象子和之義自所乎者言可  
見二五以中孚也謂初為子者非

先天橫圖自一而二二而四四而八八而十六十六  
而三十二三十二而六十四天地萬物之生生化化  
管是矣故曰吾道一以貫之

无妄六三無坤而稱牛明夷六二無乾而稱馬非得  
意忘言安足以與語象乎

豐本以明動光大成卦故云宜日中然以二體觀之

震上離下故爻象皆惧其聞

卦有小大故辭有陰易現否泰二卦爻可見

臨卦剝在下而三以柔乘之故有甘臨之憂觀卦剝在上而四以柔承之故有觀光之利

易卦爻之變惟其時焉而人力無與也是故剝復否泰君子與時偕行而已矣孰能違乎時哉

易者象也其稱名也小其取類也大學易者惡可因象之小而忽大義哉

卑高以陳貴賤位矣雖曰陽貴而陰賤也然各爻當位失位又有不可執一論者不然乾上九貴而無位

矣需上六曰不當位何哉

陰陽之義感通莫如二少恒久莫如二長故艮上兌上曰咸巽下震上曰恒可見名義皆自然也

恒初曰浚巽之入也上曰振震之動也二入皆凶非可恒之道也

知幾其神無不善也顏子有不善未嘗不知故以庶幾許之噫顏子不遠復尚未足以語知幾之神存神知幾之學豈易言哉

陽之遯也肥遯之利在乎上陽之壯也壯趾之窮在平初可以觀進退之義矣

文王蒙大難也。內文明而外柔順，箕子當內難也。晦其明而正其志，殆異姓貴戚之別歟。

豫卦六爻惟初與四應。反曰：鳴豫，凶。二則承乘比應，皆無所與。反曰：貞吉。爻豈專取陰陽之相應乎？

蹇六爻初往蹇來譽，三往蹇來反，四往蹇來連，上往蹇來碩，觀往來二字之義，可見蹇多自取，不往則不蹇也。故曰：見蹇而能止，知矣哉。

復亨，剝反動而以順行，是以出入無疾。朋來無咎，蓋惟其剝反，故曰：入。惟其剝長，故曰：出。惟剝反而漸長，故曰：朋來而動，以順行，此其所以亨歟。

著必有數卦必有象易各象數而一之者也含象數  
固無易而泥於象數抑豈深于易者乎若析象數而  
偏言之則愈滯矣

中孚本以三四二陰爻名卦而所孚却在二五之間  
中易之不可為典要也類如此

水陽在陰中火陰在陽中需之陽風之陰皆從下起  
山澤則皆陰陽在上而可見之者觀之卦畫象義雖  
然

漢焦贛京房皆精於易占法用六十卦直日一日主  
一爻六十卦分主三百六十五日每卦得六日七分



餘震兌坎離四卦主二至二分楊雄大玄雖用焦法  
然以三起數以卦配日全用六十四卦而三子之占  
雖寡年人多寡不齊所占皆驗蓋在焦京不過用卦爻  
以記占在楊雄不過用卦爻以記曆實與四聖之易  
無與也後堪輿家守焦氏所分卦爻為羅盤分金定  
氣推演多端俗儒見之尊為理氣不易之說蓋亦不  
知其所分者由焦氏也穿鑿破碎何可勝言  
一歲凡三百六十五日全用六十四卦則多十九爻  
提起四卦則多五日且坎離震兌何為專主分至乾  
坤大父母也何為各守一隅據此為天地之定氣定

向有是理歟

易自秦漢以來止用以占卜云爾竄四聖之心學則自王弼觀其所註謂全用老莊亦不可故宋儒多述之

以五行觀後天八卦坤陰土在夏秋之交金火之間故居東南艮陽土在冬春之交水木之間故居東北故莫非天地之自然哉

納甲之說本平月初三日震象初八日兌象十五日乾象十八日巽象二十三日艮象三十日坤象所納庚丁甲壬辛丙乙癸亦無悖於理子午天地之中也

坎離居子午之位戊己之土位乎中央故或以坎離為陰陽之根或以坎離得乾坤中爻中乃土之本位而戊為陽土納於坎己為陰土納於離以此足納甲之義亦似乎近之或又以離為日之正體坎為月之正體終與納甲之義不甚清切

河圖洛書先天後天本自脗合但一步分析配合比擬則盡為牽強之說

震艮二爻相反大凡初動終止故震取初爻艮取上爻各得其本然之道然震雖動而不喪已也艮雖止而時行則行又在善學者得心忘象

後儒說易莫精於邵堯夫至謂退乾坤進六子長子  
用事長女代母坎離得位兌震為偶又只是邵子之  
易非四聖本意

易本廣大悉備變動周流各家但得其一節即有可  
觀若全會其生之易不以己意雜之則鮮其人也  
兌下乾上以柔履剛所履甚危但說而應乾故亨虎  
即剛之象也

謙九三以一陽為眾陰所歸上承下接有勞謙之象  
所以象曰萬民服也其意味深長如是哉  
履以一陰在三成卦謙以一陽在三成卦三本危地

故謙三吉而履三凶

旅二以柔中而即次得童僕三以剛不中而焚次喪  
童僕可以得旅之道矣遇則者宜自省也艮為小子  
下卦本艮故取童僕之象

姤初一陰在下五以杞包瓜只是以高大遇卑下之  
象所云有隕自天是戒慎意苟君民不遇則命隕墜  
可見君志不舍乎天命則志在得民可知也

豐卦爻象象所謂日中所謂見丰見沫蔀屋俱以離  
震二本取象

初九出門同人心無係吝故無咎六二同人於宗不

免有偏係之心矣故彖曰惟君子為能通天下之志可以一毫已私與之哉

需四上二爻俱云穴者以陽之陷由二陰也然坎之所以陷乎陽者在上不在四故四曰出上曰入况需四則必求出而需終則反入矣

曰道曰易曰神不離乎陰陽而陰陽屈伸變化孰能頃刻離之哉

幾而已故曰吉之月先見者也若以善惡吉凶並言則非先機之神

既濟五爻象曰東鄰殺牛不如西鄰祭之時也只照

出一時字交象躍然矣時則何貴於物之豐哉  
大衍之數五十只是即五數而大衍之其用四十有  
九其一不用謂不用而用以之通非數而數以之成  
可也何必以大衍合之河圖而減其五數然則合之  
洛書而加其五數亦奚不可見者况又謂卦各有六爻  
六八四十八加乾坤二用九有五十故初九潛龍勿  
用何必如此牽強  
每卦雖云五居尊位可為卦主其實宜看其成卦之  
主如屯之初蒙之二是也不然屯蒙之九五六五皆  
不足為卦主何哉

象末云大矣哉者十二卦或云時義或云時義或云  
時用雖有不同其實皆歎詞也咏嘆深長言不盡意  
學易者尤宜玩味焉

易道不外一陰一陽如初與四二與五三與上固陰  
陽之定位也或陰居陰陽居陽或陰居陽、居陰承  
乘比應何方體之可拘哉

豹變者文之小也不如虎變之大革而者外之順也  
不如由中之宰皆上六之革象也合君子小人而皆  
變革非革之終而何故得其象則義不待釋矣

一久二義如恒五恒其德貞婦人吉夫子凶蓋五本



陽位而六陰居之以陰從陽故云從一而終若以陽從陰則夫子制義而反從半婦則凶矣此卦上震下巽為恒其義亦然家人九三家人嗃嗃悔厲吉婦子嘻嘻終吝本爻以陽居陽故有嗃嗃嚴厲之象然二三承柔皆陰又恐嘻嘻失家節也各卦爻象家皆類此即一爻而得失吉凶異焉易可執一論之哉乾知始坤代終乾坤為物不惑始終生物不測大明終始人其天矣故周曰聖希天

天無窮也昭昭亦天也乾知大始其無窮乎真志學者稍於自身開一竅之明便自以為是何異以管而

窺天乎知非大始之乾知則行非至健之乾體無足  
怪也已

天地無不覆載而不自以為德日月無不照臨而不  
自以為功學聖人之學者欲與天地合德日月合明  
惟以此自反雖欲不為孔之發憤顏之竭才曾之死  
而後已不可得也况敢自是而自足耶

坎下艮上蒙彖曰蒙山下有陰一而正蒙：亨以亨  
行時中也艮下坎上蹇彖曰蹇難也陰在前也見陰  
而能止知矣哉可見坎在下則當行而不當止所以  
為耳坎在上則當止而不當行所以為知觀象玩辭

前聖之教人意亦至矣

係辭曰乾坤成列而易立乎其中矣又曰易簡而天下之理得矣天下之理得而成位乎其中矣曰神而明之存乎其人又曰苟非其人道不虛行合而觀之學易者豈徒觀玩象義而已哉

觀初童觀陰在初也二闕觀陰中也三觀我生進退而卦上下之交也四觀國之光近乎陽也五觀我生以五位之陽而臨乎下也上觀其生觀五也因象以玩辭則辭所以發明又象何疑哉

履與大有俱五陽一陰之卦而六爻俱以上爻為最

善故象曰大有上吉自天祐也曰元吉在上有大慶也象義可以並觀

剝上九一爻君子得與指本爻之陽而言小人剝虛指下五陰而言皆剝上之實象也豈聖人故為此辭以戒人哉

頤初中孚二所謂爾我者乃誤為上下二卦相謂之詞也

謙：君子首艮處坤之下且以柔居初下而又下故謂之謙：象曰卑以自牧乃謙之至也又何往不利明夷初君子初於行三日不食象曰君子於行義不食

也聖人釋經其簡明類若此

夫五中行无咎若可以為至矣象曰中行無咎中未  
光也夫以中行而止得無咎謂之中有光輝不可矣  
然則以無咎為卦爻之至善也可乎哉

復亨則反是陽剛乃其本位而一陽特反而復其位  
耳姤遇也柔遇剛也而陰在初則謂之遇焉觀復姤  
之名義凡乾健坤順乾居坤藏可並言之哉  
復自一陽至乎乾姤自一陰至乎坤坤而復乾而姤  
天地人物之化機一以貫之